


Cumün da Zernez



Ledscha da pumpiers

Quista ledscha exista in lingua tudais-cha e rumantscha.
Relevanta per l'interpretaziun es la versiun rumantscha.

Cuntgnü

	pagina
I. Disposiziuns generalas/obligs (art. 1 – 2)	2
II. Dovair da far servezzan da pumpiers (art. 3 – 6)	2
III. Organisaziun (art. 7 – 11)	3
IV. Alarm e cas d'urgenza (art. 12 – 13)	5
V. Exercizis (art. 14 – 16)	5
VI. Finanziaziun (art. 17)	5
VII. Disposiziuns penals (art. 18 – 19)	6
VIII. Mezs legals (art. 20)	6
IX. Disposiziuns finalas (art. 21 – 25)	6

Ledscha da pumpiers Zernez

Ledscha da pumpiers

Sia basa es l'art. 26 al. 3 da la ledscha davart la protecziun preventiva cunter incendis e davart ils pumpiers aint il chantun Grischun (ledscha davart la protecziun cunter incendis DG [Cudesch da dret Grischun] 840.100) e l'art. 2 da la constituziun cumünala.

I. Disposiziuns generalas/obligs

Mera

Art. 1

Quista ledscha regla ils obligs e l'organisaziun dals pumpiers dal Cumün da Zernez fintant cha quists obligs nu stan illa cumpetenza dals organs chantunals.

Incumbenzas

Art. 2

¹ Ils pumpiers sun üna defaisa generala cunter dons. Els praistan agüd immediat, particularmaing pro:

- a) incendis ed explosiuns;
- b) dons elementars;
- c) la tschercha e'l salvamaint dad umans e bes-chas;
- d) evenimaints chi fan don a l'ambiant o til periclitescan;
- e) situaziuns chi douvrant üna protecziun da la populaziun.

² La suprastanza cumünala po ingaschar als pumpiers cunter pajamaint per ulteriurs servezzans ed ingaschamaints, premiss cha:

- a) i voul il savair specific e l'equipamaint dals pumpiers;
- b) ils servezzans sun cumpatibels cun lur incumbenza principala;
- c) la prontezza d'acziun es garantida permanentamaing.

³ Il cumün po accumplir incumbenzas dals pumpiers in collauraziun cun cumüns vaschins, premiss cha la Sgüranza d'edifizis dal Grischun detta l'acconsentimaint.

⁴ Per promouver la generaziun giuvna po gnir manada üna secziun da pumpiers giuvenils.

II. Dovair da far servezzan da pumpiers

Dovair

Art. 3

¹ Persunas cun domicil da dret civil il Cumün da Zernez sun obliadas da far servezzan da pumpiers. Persunas estras cun permiss da domicil B sun obliadas da far servezzan da pumpiers.

² Il dovair da far servezzan da pumpiers cumainza al principi da quel on cha la persuna obliada accomplischa 18 ons. El finischa a la fin da quel on cha la persuna obliada accomplischa 45 ons. La suprastanza cumünala po prolongar il dovair da far servezzan fin l'età da 55 ons, scha'l nomer da böt nu vegn ragiunt culla dürada da servezzan previssa.

³ Il dovair da far servezzan da pumpiers vain accompli o cun far servezzan activ o cun pajar la taxa da cumpensaziun. I nu dà ingün dret da far servezzan activ.

⁴ La suprastanza cumünala decida tenor proposta dal cumandant da pumpiers chi chi'd accumplischa las premissas pel servezzan activ.

La valütaziun succeda tenor ils seguaints criteris da qualificaziuns:

- a) la qualificaziun persunala;
- b) la ragiundschabilità / disponibilità;
- c) il nomer da böt da pumpiers necessari.

⁵ Il cumandant da pumpiers po ordinar adüna ün'examinaziun medicala per sclerir l'abilità da far servezzan.

Deliberaziun dal
servezzan da pumpiers
activ

Art. 4

¹ Las seguaintas persunas sun deliberadas dal servezzan activ da pumpiers:

- a) persunas cun funcziuns ufficialas chi nu sun cumpatiblas cul oblig da prestar servezzan activ da pumpiers;
- b) persunas cun ün impedimaint spierthal o corporal cumprovabel;
- c) persunas chi educeschan sulettas lur uffants ill'età prescolara e l'età da la scoula obligatorica;
- d) duonnas in gravidanza e mammas chi dan lat;
- e) mammas fin 12 mais davo la paglioula;
- f) persunas chi fan part ad ün corp da pumpiers d'ün'intrapraisa arcugnuschü dal chantun.

² La suprastanza cumünala po deliberar in cas motivats ulteriuras gruppas da persunas dal servezzan activ da pumpiers.

Deliberaziun dal dovair
da prestar servezzan
da pumpiers

Art. 5

¹ Las seguaintas persunas sun deliberadas dal dovair da prestar servezzan da pumpiers:

- a) ils commembers da la suprastanza cumünala;
- b) persunas chi fan part ad ün corp da pumpiers d'ün'intrapraisa arcugnuschü dal chantun;
- c) da duos partenaris chi vivan in üna chasada (maridats, in partenadi registrà o in concubinat) es obliada be üna persuna da far servezzan da pumpiers. Relevanta per la fin dal dovair da far servezzan da pumpiers es l'età da la persuna cul guadogn principal;
- d) dmurants dürant l'eivna, chi fan ün giarsunadi, üna scolaziun o ün stüdi, sun deliberats dal dovair da compensaziun.

² La suprastanza cumünala po deliberar in cas motivats ulteriuras gruppas da persunas dal servezzan da pumpiers.

Dispensaziun
antecipada

Art. 6

Il servezzan activ da pumpiers va a fin schi'd es avant man ün attest dal meidi chi demuossa cha la persuna correspontenta nun es plü abla da prestar servezzan in avegnir.

III. Organisaziun

Survaglianza generala

Art. 7

La suprastanza cumünala ha la survaglianza generala, fintant cha quai es in sia cumpetenza.

Suprastanza cumünala	Art. 8
	¹ La suprastanza cumünala ha specialmaing las seguantas incumbenzas:
	1. fixar la dürada dal servezzan tenor art. 3;
	2. deliberaziun dal servezzan da pumpiers activ tenor art. 4;
	3. deliberaziun dal dovair da prestar servezzan da pumpiers tenor art. 5;
	4. fixaziun da la taxa da cumpensaziun tenor art. 17;
	5. incumbenzas chi nu sun chosa d'ün oter organ;
	6. eleger il cumandant ed il vicecumandant dals pumpiers;
	7. eleger cumischiuns permanentas e/o da dürada limitada e lur commembers;
	8. relaschar las ordinaziuns necessarias;
	9. preparar il büdschet per mans da la radunanza cumünala;
	10. trattar recuors cunter decisiuns dal cumond.
	² La suprastanza cumünala ha il dret da decider, i'l rom da sias cumpetenzas, da delegar al commember da suprastanza cumünala responsabel e da reglar in detagl aint ill'ordinaziun dals pumpiers Zernez.
Incumbenzas e cumpetenza	Art. 9
	Al cumandant da pumpiers suottasta specialmaing:
	a) fixar la grondezza dal corp tenor il concept da la GVG;
	b) eleger ils uffizials;
	c) translocar e relaschar pumpiers na capabels;
	d) preparar il büdschet per mans da la suprastanza cumünala;
	e) far cumplitas e reparaturas urgaintas chi nu d'eiran büdschetadas fin 25'000.00 chf per on;
	f) dar multas disciplinarias tenor art. 18 fin 500.00 chf;
	g) trattar pretaisas in connex cun acts commiss dürant las acziuns dals pumpiers (acts commiss cun intenziun, per greiva negligenza obain acts illegals);
	h) survagliar la pronteza da servezzan e d'acziun dals pumpiers.
Dovair da far servezzan	Art. 10
	¹ Ils pumpiers sun obliats, da seguir a las clomadas.
	² Els han da surtour las incumbenzas surdattas.
	³ Els pon gnir obliats da far fuormaziuns supplementaras e da surtour funcziuns da cader. Els han da tour part a quists cuors ed exercizis e da far il servezzan tenor la funcziun.
	⁴ Pro servezzans insufficiants po la persuna chi fa servezzan activ miss illa gruppaa da cumpensaziun.
	⁵ Per on esa dad absolver 50% da tuot ils exercizis, uschigliö vegn fat pajar sper ils chastis eir amo la taxa da cumpensaziun.
Sgüurança	Art. 11
	Las persunas chi praistan servezzan aint il corp da pumpiers ston esser sgüradas in üna dimensiun üsitada cunter las consequenzas finanzialas da malatias ed accidaunts in connex cul servezzan. Il cumün pissera cha quai es il cas e cha'ls pumpiers sun infuormats davart quista sgüurança.

IV. Alarm e cas d'urgenza

Alarm

Art. 12

¹ Persunas chi vezzan ün fö sun dumandadas d'alarmar ils pumpiers tras il nomer d'urgenza 118.

² L'alarm dals commembers dal corp da pumpiers succeda tras il sistem d'alarm da la GVG. Il cumün metta a disposiziun eventuais indrizs.

Persunal cumünal

Art. 13

Il persunal cumünal, sco il capofuntanas ed ils lavourants cumünales, stan a disposiziun al main'acziun tenor bsögn.

V. Exercizis

Exercizis

Art. 14

Mincha persuna chi praista servezzan activ survain ai principi da l'on da pumpiers ün plan dals exercizis chi vala sco clomada. Spostamaints veggan comunichats aint il organ da publicaziun cumünal.

Secziun da pumpiers
per giuvenils

Art. 15

¹ Per promouver ed integrar la generaziun giuvna po gnir manada üna secziun da pumpiers giuvenils voluntaria sco part dal corp da pumpiers Zerne. In quista secziun pon giuvenils interessats fin pro l'età d'entrada ils pumpiers tenor artichel 3 gnir integrats.

² Ils commembers dals pumpiers giuvenils pon tour part a las prouvas, però na al servezzan d'acziun.

Dret d'access

Art. 16

¹ Abitants e proprietaris d'immobiglias sun obliats da laschar far exercizis aint in o vi da lur ogets e da conceder l'access als pumpiers fin las 21:30 h.

² Ogets d'exercizi o parts da quels sun da schaniar il plü bain pussibel.

Ils abitants resp. proprietaris sun d'infuormar per temp davart la tscherna da l'oget d'exercizi. Id es da tour resguard a circunstanças persunalas specialas, p.ex. malatias.

VI. Finanziaziun

Taxa da cumpensaziun

Art. 17

¹ Persunas chi sun in dovair da far servezzan da pumpiers, chi nu veggan deliberadas dal servezzan da pumpiers activ tenor art. 4, ston pajar üna taxa da cumpensaziun annuala. Ultim termin per inchaschar la taxa da cumpensaziun es ils 31 schner. Ün rendaquit pro rata nu vegn fat.

² Persunas chi nu frequaintan in ün on almain la mità dals exercizis ordinaris ston pajar dasper üna multa eir la taxa da cumpensaziun.

³ La taxa da compensaziun ordinaria importa almain 200.00 chf e maximalmaing 700.00 chf. La suprastanza cumünala fixa la taxa da compensaziun ordinaria.

⁴ Giuvenils in giarsunadi o scolaziun fin e cun 20 ons d'età pajan la mità da la taxa ordinaria da compensaziun.

VII. Disposiziuns penals

Multas

Art. 18

La suprastanza cumünala po decider, scha commembers dal corp da pumpiers cuntrafan a las prescripziuns da la legalisaziun da pumpiers obain als cumonds dals superiurs, pon gnir chastiats cun üna multa fin 500.00 chf e reglar quist aint i'l uorden dals pumpiers da Zernez.

Exclusiun

Art. 19

In cas da cuntrafacziuns greivas o repetidas cunter la legislaziun da pumpiers o cunter cumonds dals superiurs esa pussibel d'ordinar – sper la multa – eir ün'exclusiun dal corp da pumpiers. L'exclusiun vain decisa da la suprastanza cumünala sün proposta dal cumond.

VIII. Mezs legals

Instanzas

Art. 20

¹ Cunter decisiuns dal cumandant sco eir da la cumischiun da pumpiers as poja recuorrer infra 30 dis daspö la comunicaziun pro la suprastanza cumünala.

² Cunter decisiuns da la suprastanza cumünala as poja recuorrer infra 30 dis pro'l tribunal administrativ dal chantun Grischun.

IX. Disposiziuns finalas

Execuziun

Art. 21

La suprastanza cumünala relascha ordinaziuns necessaris per l'execuziun da quista ledscha.

Aboliziun dal dret da fin quia

Art. 22

Annällà.

Associazion Pumpiers Macun

Art. 23

Annällà.

Disposiziuns transitoricas

Art. 24

Per minimar ed armonisar las soluziuns cumünalas da fin quia valan las seguentas disposiziuns transitoricas, qualas valan per la finischun da l'oblig dal servezzan da pumpiers:

L'oblig da servezzan da pumpiers finischa a la fin da l'on sco seguia:

Per l'annada 1974 la fin dal 2016 cul accumplir dal 42avel on da vita.
Per l'annada 1975 la fin dal 2018 cul accumplir dal 43avel on da vita.
Per l'annada 1976 la fin dal 2020 cul accumplir dal 44avel on da vita.
Per l'annada 1977 la fin dal 2022 cul accumplir dal 45avel on da vita.
Davo vala l'art. 3.

Entrada in vigur

Art. 25

Quista ledscha aintra in vigur davo l'approvaziun tras la cumünanza d'urna.

Approvà da la cumünanza d'urna als 27 settember 2020.

Cumün da Zernez

Il president cumünal:

Sig. Emil Müller
Emil Müller

Il manader da finanzas ed impostas:

Sig. Jean Pierrick Bergamin
Jean Pierrick Bergamin

La Sgüranza d'edifizis dal Grischun ha approvà quista ledscha cun disposiziun dals *30.11.2020*.

Cuoira, *30.11.2020*

Sgüranza d'edifizis dal Grischun

Il directur:

Sig. Markus Feltscher
Markus Feltscher

L'inspectur da pumpiers:

Sig. Hansueli Roth
Hansueli Roth